



Visit
DTV.gov

THE DIGITAL TV TRANSITION

What You Need To Know About DTV



➔ Ania ti Digital TV (DTV) Transition?

Iti agdama, adda dagiti over-the-air nga istasion ti agibrobroadcast iti agpada nga analog ken digital a format. Kalpasan ti Febrero 17, 2009, dagiti full-power nga estasion ti TV ket agibroadcast laengen iti digital. Ti DTV transition ket makaafektar kadagiti agbuybuya iti libre nga over-the-air a television (babaen iti antena iti bubongan wenno "rabbit ears"). No agbuybuyakayo kadagiti programa nga over-the-air babaen iti analog a TV, masapul nga umaksionkayo sakbay ti Febrero 17, 2009. Saan nga aramiden dagiti taga-Kaua'i ti panagsukatda iti DTV transition kadagitoy a panawen ken saan a nesesita nga adda aksion nga aramiden dagiti residente iti Garden Isle.

➔ Apay Nga Agsukattayo iti Digital?

Dawaten ti paglintegan a Federal ti panagsukat a mangted iti pannakawayawaya dagiti airwave para iti pulisia, puor, ken kadagiti komunikasion iti emerhensia a panagarayat; mangipalugod kadagiti brodkaster a mangidiaya iti programming nga addaan iti nalawlawag nga imahe ken kalidad ti uni ken mangidiaya iti ad-adu pay a pagpilian iti programming; ken mangipalubos kadagiti naabanse a wireless a servisio para kadagiti konsumidor.

➔ Ania ti Aramidek Tapno Nakasaganaak? Adda tallo a pagpiliam:

- 1 Ikunektarmo ti analog a TV iti digital-to-analog a converter box.** Dagiti digital-to-analog converter box ket adda kadagiti paglakuan ken addaanda iti naimpaminsanan a balor a \$40-70. Tapno matulonganka a makagatang kadagitoy a box, idiydiaya ti Gobierno ti Estados Unidos ti dua a \$40 a kupon kada pagtaengan. (Laglagipen a dagitoy a kupon ket agexpirar dagitoy 90 nga aldaw kalpasan ti pannakaibusonda.) Para kadagiti ad-adu pay nga informasion maipapan kadagiti kupon, bumisita iti www.DTV2009.gov wenno umawag iti 1-888-388-2009 (boses) wenno 1-877-530-2634 (TTY). Nayonna, dimo masapul ti baro nga antena no napintas ti kalidad ti resepsion ti agdama nga antenam kadagiti channel a 2-51.
Wenno
- 2 Gumatang iti digital a television (maysa a TV nga addaan iti built-in digital tuner).** Dimo masapul ti High Definition TV (HDTV) tapno makabuyaka iti digital a broadcast television. Masapulmo laeng ti digital TV (wenno maysa nga analog a TV a kunektado iti maysa a digital-to-analog converter box). Nayonna, dimo masapul ti baro nga antena no napintas ti kalidad ti resepsion ti agdama nga antenam kadagiti channel a 2-51.
Wenno
- 3 Agsubskribir iti mabayadan a servisio ti TV.** No ti kukuam a set ti TV ket makaal-ala kadagiti lokal a broadcast station babaen iti mabayadan a provider kas iti cable wenno satellite, nakasaganan daytoy para iti DTV transition. Dagiti cable a kumpania ket saan a nesesita ti panagbalbaliw wenno panagiyakar kadagiti channelda iti digital. Iti sabali a bangir, no addaanka iti analog a TV a di makaaw-awat kadagiti lokal a broadcast station babaen iti mabayadan a providermo, masapulmo ti digital-to-analog converter box tapno makabuyaka kadagiti digital a broadcast iti dayta a TV.

Para iti ad-adu pay nga informasion:

1-888-CALL-FCC (Boses)

DTV.gov

1-888-TELL-FCC (TTY)